



*Proxecto de Decreto ----/---- polo que se adoptan medidas sobre a subministración directa da caza maior silvestre abatida na Comunidade Autónoma de Galicia*

A práctica da cesión por parte das persoas cazadoras a consumidores locais de pequenas cantidades de carne de caza, constitúe unha actividade que se configura administrativamente como unha excepción ao réxime xeral de comercialización da caza, tal e como se regula no número 3 c) do artigo 1 do Regulamento (CE) n.º 853/2004 do Parlamento Europeo e do Consello, do 29 de abril de 2004, polo que se establecen normas específicas de hixiene dos alimentos de orixe animal.

Esta excepcionalidade tamén aparece recollida no número 2 b), artigo 4 do Real decreto 640/2006, do 26 de maio, polo que se regulan determinadas condicións de aplicación das disposicións comunitarias en materia de hixiene, produción e comercialización dos produtos alimenticios.

É importante ter en conta que a posta no mercado para consumo humano da carne de caza debe cumprir cuns esixentes requisitos sanitarios e de hixiene establecidos na normativa comunitaria e na normativa sectorial aplicable.

O Regulamento (UE) 2015/1375 da Comisión, do 10 de agosto, polo que se establecen normas específicas para os controis oficiais da presenza de triquinas na carne, define os procedementos da toma de mostras e os métodos de análises de referencia para a realización destes controis. O devandito Regulamento derroga expresamente o Regulamento (CE) 2075/2005, da Comisión, do 5 de decembro, que regulaba a materia ata a data, e indica que as referencias ao anterior Regulamento entenderanse feitas ao agora vixente e nel xa non se contempla o método triquinoscópico como método de referencia, ao non ofrecer suficientes garantías de diagnóstico, aínda que os sacrificios domiciliarios de porcinos e as pezas de caza maior abatidas con destino ao autoconsumo non entran no seu ámbito de aplicación.

A nivel nacional, o Real decreto 640/2006, do 26 de maio, regula estas actividades. No seu artigo 4 indícase que se poderá utilizar o método triquinoscópico descrito no anterior Regulamento (CE) 2075/2005, do 5 de decembro. Con todo, tras ser derogado e substituído polo Regulamento (UE) 2015/1375, do 10 de agosto, non procede consideralo actualmente como método válido de referencia. Así, en data 25 de novembro de 2015, o Ministerio de Sanidade, Servizos Sociais e Igualdade, a través da Axencia Española de Consumo, Seguridade Alimentaria e Nutrición, en espera de modificar o Real Decreto 640/2006, do 26 de maio, actualizou a nota aprobada na Comisión Institucional do 26 de novembro de 2014, no sentido de non considerar o método triquinoscópico como un método válido para a análise de triquina en España, tras detectarse un caso de *Trichinella pseudospiralis*, especie non encapsulada e, polo tanto, non detectable polo devandito método.



Así mesmo, resultan de aplicación as normas complementarias ao Regulamento (CE) n.º 853/2004 do Parlamento Europeo e do Consello, do 29 de abril de 2004, para a carne de caza maior abatida en Galicia e cuxo destino sexa un establecemento de manipulación de caza inscrita no Rexistro Xeral Sanitario de Empresas Alimentarias e Alimentos.

Doutra banda, a regulación da comercialización da caza maior silvestre abatida posibilita, ademais dos pertinentes controis de seguridade alimentaria, unha mellor execución daqueles relativos á vixilancia e control no ámbito da sanidade animal, de acordo cos criterios establecidos nos plans nacionais de vixilancia sanitaria da fauna salvaxe.

Por iso, para minimizar o risco potencial de transmisión de enfermidades por consumo de carne de caza, é necesario, para autorizar esta actividade, establecer requisitos para controlar as condicións sanitarias que deben cumprir as pezas de carne antes da súa subministración directa á persoa consumidora final ou da súa entrega a unha sala de tratamento de caza, como paso previo á súa introdución na cadea alimentaria

O artigo 30.1.3 do Estatuto de autonomía de Galicia atribúe á Comunidade Autónoma galega a competencia exclusiva en materia de agricultura e gandería, de acordo coas bases e a ordenación da actuación económica xeral e a política monetaria do Estado, nos termos do disposto nos artigos 11, 13, 38, 131 e 149.1 da Constitución. Así mesmo, o artigo 33.1 do devandito estatuto atribúe á Comunidade Autónoma galega o desenvolvemento lexislativo e a execución da lexislación básica do Estado en materia de sanidade interior, e o punto 4 do mesmo artigo engade que a Comunidade Autónoma galega poderá organizar e administrar para tales fins e dentro do seu territorio todos os servizos relacionados con estas materias, e exercerá a tutela das institucións, entidades e fundacións en materia de sanidade e seguridade social, reservando ao Estado a alta inspección conducente ao cumprimento destas funcións.

O presente decreto tramitouse de conformidade coa Lei 39/2015, do 1 de outubro, do Procedemento Administrativo Común das Administracións Públicas e a Lei 16/2010, do 17 de decembro, de organización e funcionamento da Administración xeral e do sector público autonómico de Galicia. Foi realizado o trámite de consulta pública previa, e o proxecto de decreto foi exposto a información pública no Portal de transparencia e goberno aberto da Xunta de Galicia e sometido a audiencia dos grupos ou sectores con dereitos e intereses lexítimos na materia; asemade, foi sometido a informe económico-financeiro da consellería competente en materia de facenda, informe sobre impacto de xénero e a informe da Asesoría Xurídica Xeral.

Na súa virtude, por iniciativa dos titulares das consellerías de Medio Ambiente, Territorio e Vivenda, Sanidade e Medio Rural, a proposta do conselleiro da



Presidencia, Administracións Públicas e Xustiza e no uso das facultades que confiren os artigos 26 e 37 da Lei 1/1983, do 22 de febreiro, de normas reguladoras da Xunta e da súa Presidencia, de acordo co/oído o Consello Consultivo, e logo de deliberación do Consello da Xunta na súa reunión do día ... de ..... do 2019

## DISPOÑO:

### Artigo 1. *Obxecto e ámbito de aplicación*

1. O presente decreto ten por obxecto:

- a) Establecer os requisitos para a subministración directa por parte da persoa cazadora ao consumidor final e establecementos de restauración de pequenas cantidades de carne fresca refrixerada de caza maior silvestre.
- b) Establecer os requisitos para as pezas de caza maior silvestre abatidas en Galicia, destinadas ás salas de tratamento de caza para a comercialización das súas carnes.
- c) Establecer os requisitos que teñen que cumprir os locais intermedios de faenado das devanditas pezas de caza silvestre destinadas á subministración directa.
- d) Establecer os requisitos hixiénicos e sanitarios do acondicionamento e o transporte das pezas de caza maior silvestres destinadas a consumo humano para a subministración directa ou o envío á sala de tratamento de caza.

2. O presente decreto é aplicable ás pezas de caza maior abatidas na Comunidade Autónoma de Galicia.

### Artigo 2. *Definicións*

Aos efectos deste decreto, considerarase:

- a) Subministración directa: a entrega directa por parte das persoas cazadoras de pequenas cantidades de carne fresca refrixerada de caza maior silvestre ao consumidor final ou a establecementos de restauración inscritos no Rexistro Galego Sanitario de Empresas e Establecementos Alimentarios (REGASA). Entenderase por subministración de pequenas cantidades, non máis dunha peza de caza maior silvestre por persoa cazadora e semana, unha vez realizadas as operacións de faenado de acordo ao establecido neste decreto.





- b) Lugar de caza: lugar onde o animal perde a vida no exercicio da caza, independentemente da accesibilidade para a súa recollida ou distancia ao punto de reunión das pezas de caza maior silvestre abatidas no transcurso da cacería.
- c) Punto de reunión das pezas de caza maior silvestre: lugar determinado pola persoa responsable da cazaría para o agrupamento das pezas de caza maior silvestre abatidas no transcurso da cazaría.
- d) Sala de tratamento de caza: establecemento autorizado e inscrito no Rexistro Xeral Sanitario de Empresas Alimentarias e Alimentos, no cal se realizan as operacións de faenado da carne de caza para a súa comercialización.
- e) Pezas de caza maior silvestre: corpo sen desollar nin eviscerar dos animais mamíferos terrestres salvaxes que viven en liberdade, abatidos nas actividades cinexéticas, e que figuran na relación de especies cazables no territorio da Comunidade Autónoma de Galicia de acordo co establecido no Anexo IV do Decreto 284/2001, do 11 de outubro, polo que se aproba o Regulamento de Caza de Galicia.
- f) Veterinario oficial: a persoa licenciada en Veterinaria adscrita á consellería competente en materia de saúde pública e que desenvolve as súas funcións de control oficial ou parte delas en salas de tratamento de caza.
- g) Servizo veterinario colaborador: profesional veterinario/a colexiado/a e con dotación propia de medios técnicos, con capacidade para realizar a inspección in situ das pezas de caza maior silvestre abatidas (no lugar de caza ou no punto de reunión das pezas de caza maior silvestre) e para a inspección destas nos locais intermedios de faenado de caza maior silvestre.
- h) Local intermedio de faenado de caza maior silvestre. Superficie delimitada e específica, situada nun lugar concreto, de calquera material que, reunindo as condicións do anexo VII do presente decreto, permita as operacións de faenado e inspección a que deben someterse as pezas de caza maior silvestre destinadas á subministración directa a locais de restauración, persoa consumidora final ou a unha sala de tratamento de caza.
- i) Subprodutos animais: corpos enteiros ou partes de animais, produtos de orixe animal ou outros produtos obtidos a partir de animais, que non están destinados para o consumo humano.
- j) Terreo cinexético: os terreos cinexéticos sometidos a réxime especial, de acordo co establecido no artigo 10 e concordantes da Lei 13/2013, do 23 de decembro, de caza de Galicia.



k) Responsable da cacería: persoa designada polo titular do terreo cinexético, encargada de organizar ás persoas cazadoras durante o desenvolvemento dunha acción de caza maior, sendo así mesmo responsable do cumprimento de todas as funcións en materia de aproveitamento cinexético indicadas no presente decreto, así como de todas aquelas atribuíbles de acordo co establecido no Real decreto 50/2018, do 2 de febreiro, polo que se desenvolven as normas de control de subprodutos animais non destinados ao consumo humano e de sanidade animal, na práctica cinexética de caza maior, nos casos en que a dita norma resulte de aplicación de acordo co indicado no seu artigo 2.

l) Transporte das pezas de caza maior silvestre: comprende o desprazamento das pezas de caza maior silvestre desde o lugar de caza ata o local intermedio de faenado de caza maior silvestre ou a sala de tratamento de caza.

*Artigo 3. Normas de acondicionamento das pezas de caza maior silvestre destinadas a subministración directa ou a sala de tratamento de caza*

1. As manipulacións reguladas neste artigo realizaranse no lugar da caza ou no punto de reunión das pezas de caza maior silvestre sobre as pezas de caza maior silvestre que vaian ser destinadas a subministración directa ou a unha sala de tratamento de caza.

2. Unha vez morto o animal de caza maior silvestre, procederase canto antes á extracción, como mínimo, do estómago e intestinos. O resto das vísceras deberán acompañar á peza abatida ata o destino para o seu faenado e inspección, podendo ir unidas anatomicamente a esta ou ser transportadas dentro dun recipiente de suficiente resistencia para evitar fugas de líquidos ao exterior, no que se colocará un precinto cos datos que figuran no anexo I.

3. A persoa responsable da cacería asegurase do cumprimento do establecido no Real decreto 50/2018, do 2 de febreiro, nos casos en que dita norma resulte de aplicación de acordo co indicado no seu artigo 2.

4. A peza de caza maior silvestre sen desollar portará un precinto inviolable cos datos que figuran no anexo I.

5. Todas estas manipulacións de acondicionamento realizaranse en presenza da persoa responsable da cacería, que será a responsable de proporcionar os precintos identificativos (Anexo I).

6. No lugar de caza ou no punto de reunión das pezas de caza maior silvestre procederase, por parte do servizo veterinario colaborador, a unha primeira inspección post mortem das pezas de caza maior silvestre, nos termos establecidos no capítulo II,



sección IV do anexo III do Regulamento (CE) n.º 853/2004 do Parlamento Europeo e do Consello, do 29 de abril de 2004, polo que se establecen normas específicas acerca da manipulación da caza maior silvestre. Así mesmo, será responsable de cubrir os precintos identificativos e o documento sanitario de traslado de pezas de caza maior silvestre abatidas na Comunidade Autónoma de Galicia (Anexo II), no que se declararán os exames veterinarios no lugar de caza previos ao envío.

7. De acordo co resultado da inspección post mortem, ademais do ditame no ámbito da seguridade alimentaria derivado do Regulamento (CE) n.º 853/2004, do Parlamento Europeo e do Consello, do 29 de abril de 2004, o servizo veterinario colaborador que actúa no lugar da caza terá que informar á autoridade competente en materia de caza ou de sanidade animal, en función de que o que observase poida ser de interese nestes ámbitos, así como de realizar as tomas de mostras que estas autoridades competentes determinen, fora daquelas destinadas á investigación parasitolóxica de triquina, as cales serán tomadas no momento do faenado da peza de caza maior, tal e como se establece no punto IV do artigo 6 deste decreto.

8. As pezas de caza maior silvestre declaradas non aptas teranse que xestionar de acordo co que dispoñen os artigos 21 e 22 do Regulamento (CE) n.º 1069/2009, do Parlamento Europeo e do Consello, do 21 de outubro, polo que se establecen as normas sanitarias aplicables aos subprodutos animais e os produtos derivados non destinados ao consumo humano e polo que se derroga o Regulamento (CE) n.º 1774/2002, con respecto ás condicións de recollida, identificación e traslado dos restos ás plantas de eliminación.

9. Coa excepción dos cabeiros, hastas e cornos, a retirada de trofeos non se poderá realizar ata que se ditamine a súa aptitude para o consumo.

#### *Artigo 4. Transporte das pezas de caza maior silvestre desde o lugar de caza ou desde o punto de reunión das pezas de caza maior silvestre*

1. O transporte debe realizarse dentro das 12 horas seguintes á morte, nun vehículo en adecuado estado de limpeza e mantemento e deseñado de tal maneira que se protexa ás pezas de caza maior silvestre da contaminación e deterioro, dotado de superficies internas lisas, fáciles de limpar e desinfectar. Esta prohibido o apilado das pezas de caza maior silvestre. O transporte debe ser refrixerado no caso de que se superen as 12 horas desde o momento da caza e morte ata a chegada ao local intermedio de faenado ou á sala de tratamento de caza. En tódolos casos, antes de que transcorran as 12 horas dende a morte, as pezas de caza maior silvestre deben acondicionarse nun local ou vehículo refrixerado.

2. Para poder seren transportadas desde o lugar de caza a un local intermedio de faenado de caza maior silvestre ou a unha sala de tratamento de caza, estas pezas



terán que continuar enteiras e provistas do precinto inviolable de plástico fixado no corpo do animal.

3. No documento sanitario de traslado das pezas de caza maior silvestre (Anexo II) que debe acompañar á peza de caza maior silvestre figurará a numeración do precinto que identifica á peza.

4. Será responsabilidade da persoa titular do local intermedio de faenado de caza maior silvestre ou da sala de tratamento de caza de destino supervisar as condicións do transporte e a correcta identificación das pezas de caza maior silvestre no momento da súa chegada.

5. O destino das pezas de caza maior silvestre poderá ser:

- a) Un local intermedio de faenado de caza maior silvestre.
- b) Unha sala de tratamento de caza

#### *Artigo 5. Normas para o rexistro e autorización do local intermedio de faenado de caza maior silvestre*

Os locais intermedios de faenado de caza maior silvestre deben atoparse inscritos no Rexistro Galego Sanitario de Empresas e Establecementos Alimentarios (REGASA), regulado polo Decreto 204/2012 do 4 de outubro. Para o procedemento de inscrición, modificación e cancelación rexistral, destes será de aplicación o recollino no artigo 6 do citado decreto.

Para a inscrición se deberá dispoñer de:

a) Un local apropiado para o faenado e inspección das pezas de caza maior silvestre que cumpra coas condicións mínimas establecidas no anexo VII

b) O material de precintado inviolable previsto no anexo III

c) Un servizo veterinario colaborador para a realización de exames post mortem e emisión do ditame sanitario sobre as carnes e vísceras destinadas a subministración directa para consumo humano, así como para a realización das tarefas mencionadas no número 7 do artigo 3 deste decreto en materia de caza ou sanidade animal. Corresponde aos respectivos Colexios Oficiais de Veterinarios xestionar as listas de veterinarios dispoñibles para a realización das tarefas encomendadas neste decreto ao servizo veterinario colaborador

#### *Artigo 6. Condicións para a inspección veterinaria no local intermedio de faenado de caza maior silvestre*



1. A inspección veterinaria no local intermedio de faenado de caza maior silvestre realizarase inmediatamente tras a chegada das pezas, emitindo ditame sobre a aptitude para o consumo humano do canal e as súas vísceras, unha vez efectuadas todas as actuacións precisas.

2. Os servizos veterinarios colaboradores:

a) Comprobarán que as pezas de caza maior silvestre presentadas van acompañadas dos documentos e precintos regulamentarios (anexos I e II).

b) Supervisarán as labores de esfolado e evisceración.

c) Procederán a realizar a inspección post mortem.

d) Garantirán que en todas as pezas de caza de especies sensibles se leve a cabo a investigación de triquina segundo o disposto no anexo I do Regulamento (UE) 2015/1375, da Comisión, do 10 de agosto, polo que se establecen normas específicas para os controis oficiais da presenza de triquinas na carne. Para a toma de mostras procederase de acordo ao establecido no anexo V.

As mostras deben ser analizadas, con técnicas oficialmente recoñecidas, nun laboratorio inscrito na sección de autocontrol de acordo ao artigo 8 do Decreto 105/2015, do 25 de xuño, polo que se regulan o Rexistro e a Comisión galega de laboratorios para a realización de ensaios de control de produtos alimenticios relacionados co consumo humano e o seu réxime de acceso á actividade.

Para o ditame da mostra utilizarase o modelo do anexo VI. Non poderá emitirse ditame para as canais e vísceras sen o resultado das análises pertinentes. O canal e vísceras deberán permanecer en condicións de refrixeración ata o ditame do servizo veterinario colaborador.

e) De acordo co resultado da inspección post mortem, ademais do ditame no ámbito da seguridade alimentaria derivado do Regulamento (CE) n.º 853/2004, do Parlamento Europeo e do Consello, do 29 de abril de 2004, o servizo veterinario colaborador terá que informar á autoridade competente en materia de caza ou de sanidade animal, en función de que o que observase poida ser de interese nestes ámbitos, así como asegurarse de realizar as tomas de mostras que estas autoridades competentes teñan determinado.

f) Comprobarán que as canais (enteiras, metades ou cuartos) e vísceras declaradas aptas sexan identificadas con precintos que inclúan os datos do anexo III e irán acompañadas ao seu destino do documento do anexo IV. Cada canal (enteiro, metade ou cuarto) e/ou víscera irá precintada de maneira individual, debendo permanecer cos





devanditos precintos durante toda a súa vida comercial. Nos casos en que as canais vaian fraccionadas en dúas ou máis partes, cada unha das partes portará o precinto regulamentario (anexo III)

g) Asegurarán que, en todos os casos, antes de que transcorran as 12 horas dende a morte, as pezas de caza maior silvestre serán acondicionadas en condicións de refrixeración.

3. A persoa titular do establecemento asegurárase do cumprimento do establecido no Real decreto 50/2018, do 2 de febreiro, nos casos en que a dita norma resulte de aplicación de acordo co indicado no seu artigo 2.

Garantirá a existencia dun sistema de trazabilidade axeitadamente documentado que conteña aqueles rexistros que permitan relacionar os documentos e precintos de entrada cos precintos e documentos de saída correspondentes, permitindo trazar en todo momento as pezas de caza maior silvestre, as súas canais (enteiras, medias ou cuartos) e as súas vísceras, así como os resultados das inspeccións e controis realizados sobre as mesmas.

#### *Artigo 7. Destino das pezas de caza maior silvestre de subministración directa*

1. Só está permitida a subministración directa de pezas de caza maior silvestre á persoa consumidora final ou a establecementos de restauración rexistrados no Rexistro Galego Sanitario de Empresas e Establecementos Alimentarios (REGASA).

2. Entenderase por subministración directa de pequenas cantidades non máis dunha peza de caza maior silvestre faenada, por persoa cazadora e semana. Os establecementos de restauración de destino conservarán durante polo menos un ano o modelo de documentación correspondente ao anexo IV.

3. No caso da cesión directa, o traslado das pezas de carne de caza silvestre dende o local intermedio de faenado farase directamente ao establecemento de restauración colectiva ou ao domicilio da persoa consumidora final, quedando completamente prohibido calquera cesión posterior entre a persoa consumidora final e establecementos de restauración colectiva ou entre os propios establecementos de restauración colectiva.

4. As pezas de caza maior silvestre que carezan de ditame do servizo veterinario colaborador, serán consideradas non aptas para o consumo e deberán xestionarse de acordo co que dispoñen os artigos 21 e 22 do Regulamento (CE) 1069/2009, do Parlamento Europeo e do Consello, do 21 de outubro, con respecto ás condicións de recollida, identificación e traslado ás plantas de eliminación.



### Artigo 8. *Responsabilidades*

1. A persoa titular do local intermedio de faenado será responsable de manter os rexistros dos animais faenados, así como todos aqueles referentes á inspección veterinaria, resultados do laboratorio, ditames e destino das carnes ou outros que a autoridade competente de control oficial poida determinar.
2. Nun prazo máximo de 10 días tras a celebración da cacería, a persoa responsable desta deberá acreditar documentalmente a correcta xestión dos subprodutos animais non destinados ao consumo humano, de acordo co establecido no do Real Decreto 50/2018, do 2 de febreiro, naqueles casos en que a dita norma resulte de aplicación de acordo co indicado no seu artigo 2.
3. A documentación contemplada no apartado anterior dirixirase á consellería competente en materia de caza.
4. Cando no transcurso das inspeccións sobre as pezas de caza se detecte algún signo de enfermidade de importancia para a sanidade animal, así como nos casos ou territorios considerados pola autoridade competente nesta materia como de especial risco sanitario, o servizo veterinario colaborador enviará aos servizos veterinarios oficiais da unidade territorial provincial da consellería competente en materia de sanidade animal correspondente, a información pertinente de acordo cos modelos de comunicación que esta teña establecidos.

### Artigo 9. *Control oficial*

1. Corresponde á dirección xeral competente en materia de caza o control do cumprimento das disposicións aplicables ao exercicio da caza e, en concreto, o control das funcións das persoas responsables da cacería nos termos definidos na presente norma.
2. Corresponde á dirección xeral competente en materia de Saúde Pública o control do cumprimento das disposicións aplicables aos locais intermedios de faenado de caza silvestre e das salas de tratamento de caza autorizadas e inscritas no Rexistro Sanitario de Industrias e Produtos Alimentarios de Galicia.
3. Corresponde á dirección xeral competente en materia de sanidade animal o control das disposicións aplicables á vixilancia sanitaria dos animais salvaxes.

### Artigo 10. *Réxime sancionador*





O incumprimento do establecido neste decreto terá a consideración de infracción administrativa e dará lugar a incoación do correspondente expediente sancionador pola consellería competente segundo o establecido no artigo 9.

Disposición derradeira primeira. *Habilitación para o desenvolvemento normativo*

Autorízase ás consellerías competentes en materia de Medio Ambiente, Territorio e Vivenda, Medio Rural e Sanidade para que de forma conxunta ditén, no ámbito das súas competencias, cantas disposicións sexan precisas para a aplicación e desenvolvemento deste decreto.

Disposición derradeira segunda. *Entrada en vigor*

Este decreto entrará en vigor aos vinte días da súa publicación no *Diario Oficial de Galicia*.

Santiago de Compostela, \_\_\_\_ de \_\_\_\_\_ de 2019

Alberto Núñez Feijóo

Presidente

Ángeles Vázquez Mejuto

Conselleira de Medio Ambiente, Territorio e Vivenda

Jesús Vázquez Almuiña

Conselleiro de Sanidade

José González Vázquez

Conselleiro de Medio Rural






## ANEXO I

### VÍSCERAS DE CAZA

N.º DE PRECINTO

DATA E HORA DE MORTE

CONCELLO




### PEZA DE CAZA MAIOR

N.º DE PRECINTO

DATA E HORA DE MORTE

CONCELLO





## ANEXO II

<b>DOCUMENTO SANITARIO DE TRASLADO DE PEZAS DE CAZA MAIOR SILVESTRE</b>			Doc N.º:
<b>PROCEDENCIA DAS PEZAS</b>			
ACTIVIDADE CINEXÉTICA	CAZA MAIOR		
NOME E Nº DE IDENTIFICACIÓN DO TECOR			
Concello		PROVINCIA	
Responsable		DNI	
		Tfno:	
<b>IDENTIFICACIÓN DAS PEZAS</b>			
Especie	N.º Pezas	Identificación das pezas	Hora aproximada da morte
<b>DESTINO</b>			
Nome			
Enderezo			
Localidade		Provincia	
Número Rexistro Sanitario			
N.º REGASA (Rexistro			
<b>SERVIZO VETERINARIO COLABORADOR</b>			
D/Dna. _____ Veterinario/a colexiado/a n.º _____ actuante na inspección das pezas de caza maior silvestre abatidas na actividade cinexética arriba mencionada			
DECLARA:			
Que en cumprimento do apartado 4 do capítulo II, sección IV, do anexo III do Regulamento (CE) nº 853/2004, do 29 de abril de 2004, polo cal se establecen normas específicas de hixiene dos alimentos de orixe animal, levouse a cabo no lugar de caza un exame destes exemplares para observar posibles características que indiquen algún risco sanitario .			
O resultado do exame foi o seguinte			
Non se detectaron nas pezas de caza maior silvestre abaixo consignadas características anómalas no exame mencionado, nin un comportamento anómalo antes de cobrar a peza, nin hai sospeita de contaminación ambiental.			
Nas seguintes pezas de caza maior silvestre observáronse anomalías ou se declararon comportamentos anómalos:			
Nº precinto	Parte afectada	Posible causa	

**As cabezas apuntadas nos certificados de control de trofeo de xabaril adxuntos a esta declaración, non acompañan ás pezas por ser destinadas á súa naturalización**


En \_\_\_\_\_ de \_\_\_\_\_ de \_\_\_\_\_

**(Nome e sinatura do/a Veterinario/a)**



### ANEXO III

CARNE DE CAZA – SUBMINISTRACIÓN DIRECTA	
N.º DE PRECINTO	<input type="text"/>
DATA DA INSPECCIÓN	<input type="text"/>
N.º REGASA	<input type="text"/>





## ANEXO IV.

### Relativo a pezas de caza maior silvestre destinadas á subministración directa de acordo ao artigo 2.a

I. Identificación das pezas	
Pezas enteiras sen desollar de caza maior silvestre de (especie animal)	
Nº de pezas:	nº precinto:
II. Procedencia das pezas	
Terreo cinxético:	
Concello	
III. Destino das pezas. As pezas se destinan á subministración directa de:	
Consumidor final. Nome e enderezo.....	
Establecemento/Razón Social	
N.º de REGASA/ datos do consumidor final	
Enderezo	
IV. Certificado da Inspección Veterinaria	
A persoa abaixo asinante D/Dª _____ Colexiado nº _____ Veterinario/a do Servizo Veterinario colaborador no local intermedio de faenado de caza silvestre con N.º REGASA _____ na a localidade de _____	
<b>Certifica que:</b>	
As pezas enteiras de caza maior silvestre das especies arriba indicadas, foron sometidas á inspección post mortem, incluído a análise triquinoscópico, no caso do xabaril. Efectuáronse os seguintes comisos	
PARTE COMISADA	PATOLOXIA
O ditame de aptitude para o consumo é: Favorable/desfavorable (táchese o que non proceda)	

En ..... a ..... de ..... de.....

(Nome e sinatura do/a Veterinario/a)



## ANEXO V

### Toma de mostras para análise parasitolóxico de triquina

No caso de cacerías de varios animais, deben tomarse as mostras por separado e identificando a cada animal ao que corresponden, de forma clara e, ademais, deberase poder identificar a cabeza co canal da que proceda cada mostra, ata ter os resultados das análises.

Desta forma, no caso de que se detectase presenza de triquina, poderíase retirar rapidamente do consumo e eliminarse segundo as normas correspondentes.

Protocolo de recollida de mostras de xabarís:

1. As mostras deben ser tomadas en cantidade suficiente, que será un mínimo de 50 g/canal. O peso das mostras de carne entenderase libre de toda graxa ou fascias.
2. Os tecidos de elección serán: os alicerces do diafragma, na zona de transición entre a parte muscular e a parte tendinosa.
3. Cando non se dispoña dos alicerces do diafragma, deberase tomar da parte de diafragma situada preto das costelas ou do esterno, ou dos maseteros ou a lingua.
4. As mostras virán identificadas nunha bolsa por cada canal de animal abatido.

Achéganse fotos e esquema de descrición dos lugares de elección do canal.



Pilares do diafragma:







Parte del diafragma situado cerca de las costillas o del esternón:




Maseteros:



Lengua:



Toma de muestras para el análisis de triquina de cerdos  
de explotaciones de autoconsumo



Pilares del diafragma

Músculos intercostales

Maseteros  
(carrileras)



## ANEXO VI Ditame análise parasitolóxico

Ditame análise parasitolóxico
<p>A persoa responsable da dirección do laboratorio inscrito no rexistro galego de laboratorios con N° _____</p> <p>DECLARA: Que o análise parasitolóxico realizado á mostra número..... deu un resultado:</p>
<p>Non se detecta presenza de triquina (negativo) Detectouse presenza de triquina (positivo) <i>(Táchese o que non proceda)</i></p>
<p>O que se pon en coñecemento da persoa propietaria da mostra. Lémbbraselle que é necesario destruír a carne en caso de resultado positivo, segundo se establece nos regulamentos CE nº 1069/1999 e 142/2011.</p>

....., ..... de ..... de 20..

Asdo.:



## ANEXO VII

### CONDICIÓN MÍNIMAS DO LOCAL INTERMEDIO DE FAENADO DE CAZA MAIOR SILVESTRE

Será preceptivo o cumprimento dunhas condicións hixiénicas e estruturais tales que a manipulación das pezas de caza maior silvestre nos locais de faenado non entrañe riscos para as carnes obtidas.

Devandito recinto será de uso exclusivo para estas actividades e contará como mínimo con:

- 1) Auga fría e quente, potable, en cantidade e presión suficiente.
- 2) As paredes ata un mínimo de 2 metros e os chans serán lisos, fáciles de limpar e desinfectar.
- 3) Os ocos ao exterior impedirán o acceso de insectos, roedores e outras pragas.
- 4) Existirá o equipamento necesario que permita o faenado, de forma hixiénica e co animal suspendido, así como para a toma de mostras das pezas de caza nos casos nos que se determine pola autoridade competente.
- 5) Sistema para esterilizar os útiles de corte.
- 6) Lavamáns de accionamiento non manual, dotados de auga potable quente e fría, e material de limpeza e secado hixiénico de mans.
- 7) Sistema de recollida de produtos non destinados ao consumo humano
- 8) No local deberá haber un lugar habilitado para o almacenamento dos produtos de limpeza e desinfección.